

Lajčák se sreo sa slovačkim ministrom vanjskih poslova Kubišem



Nakon obraćanja Vijeću sigurnosti Ujedinjenih nacija, visoki predstavnik i specijalni predstavnik Evropske unije, Miroslav Lajčák, sreo se sa slovačkim ministrom vanjskih poslova, Jánom Kubišem, danas u Bratislavi.

HR/EUSR Lajčák i ministar vanjskih poslova Kubiš razgovarali su o trenutnoj političkoj situaciji u BiH i složili se da je članstvo u Evropskoj uniji ključni strateški cilj Bosne i Hercegovine. Zemlja treba prevazići trenutnu krizu i pozabaviti se ključnim pitanjima koja blokiraju proces integracije u Evropsku uniju. Slovački ministar vanjskih poslova Kubiš je izrazio nadu da će, tokom narednih dana, lideri BiH ispuniti svoja nedavna obećanja i osigurati da se njihova zemlja pridruži susjedima te omogućiti Evropskoj uniji da parafira Sporazum o stabilizaciji i pridruživanju. U ponedjeljak, 19. novembra, situacija u Bosni i Hercegovini će biti tema razgovora na sastanku ministara vanjskih poslova Evropske unije koji će biti održan u Briselu.

Slovački ministar vanjskih poslova će informisati svoje kolege o sastanku sa HR/EUSR Lajčákom. On je još jednom istakao punu podršku slovačke vlade nedavnim mjerama visokog predstavnika koje su donesene kako bi se povećala funkcionalnost državnih institucija BiH. Ministar Kubiš je izrazio snažno protivljenje pokušajima podriivanja funkcionalnosti države BiH koji su

protivni Dejtonskom mirovnom sporazumu. Tim povodom, gospodin Kubiš je pozvao političke lidere iz oba entiteta Bosne i Hercegovine da ispune svoje obaveze i sprovedu odluke visokog predstavnika.